

Pol ndê bapia têt Taitus Yom whê bapia dindéc sa-nga

Taitus in ɲac Israel-nga dom, magoc in ɲô ɲawaê ɲayham naɲ Pol hoc asê, dec kêɲ whin Yisu Kilisi. Tiɲambu in kêsêlêɲ whin Pol, ma kôm gwelen ɲawaê ɲayham-nga whin in. In pi malac Jerusalem whin Pol lu Banabas têt têt naɲ inlu si sêlic lau aposel yêc dinaɲ (Gal 2:1; Apo 15:2). Pol kêkiɲ Taitus têt malac Korin tidim lu (2 Kor 7:6-7; 8:6, 16), ma tiɲambu inlu sêkôm gwelen sêmbo nduc Krit. Pol hu Taitus siɲ mbo nduc Krit tu yob lau sêkêɲ whin-nga naɲ sêmbo dinaɲ (Taitus 1:5), ma tiɲambu in to bapia dindéc têt Taitus.

Yêc bapia dindéc Pol to yom pi lêɲ bu Taitus êɲyaliɲ lau bata sa tu sênem gôliɲ lau sêkêɲ whin-nga. In kêɲ puc Taitus pi kêdôhônɲwaga tasan, ma whê in ndê gauc sa pi yom tu êndôhôn têt lau sêkêɲ whin-nga, ma pi mêtê ɲayham ma lêɲ gitêt tu sêɲkuc-nga. Yom atu naɲ Pol tac whin bu lau sêkêɲ whin-nga gauc nem ɲapan, naɲ bu ɲac sêti lau wakuc ɲa ɲalau Dabuɲ ndê ɲaclai (2:14; 3:1-8).

Pol gic hu ndê bapia têt Taitus

¹ Aô Pol, Anötö ndê ɲac aking ma Yisu Kilisi ndê ɲaposel, gato bapia dindéc. Aô gati aposel bu wapuc lau naɲ Anötö kêyaliɲ ɲac sa, naɲ dôɲ, tu bu sêkêɲ whin Yisu ɲanga, ma sêɲyalê yom

ɲandô naɲ tôc Anötö ndê lêɲ gitêɲ têɲ ɲac tu sêɲkuc-ɲga. ² Ma lau naɲ sêkêɲ whiɲ ma danɲa wambu yom ɲandô dau, naɲ sêkêɲ bata mwasiɲ dandöc taɲli ɲapaɲ-ɲga. Anötö gic bata mwasiɲ dau têɲ yac muɲ su, têɲ ndoc iɲ kêɲ undambê ti nom su dom. Ma yac taɲyalê bu Anötö gitôm dom bu êɲsau yac, ma boc-dinaɲ yom bocke naɲ iɲ kêmatiɲ tidôɲ, naɲ oc ɲandô sa. ³ Yac neɲ Anötö Nem Yac Si-ɲga kêyaliɲ ndoc sa bu yom pi mwasiɲ dau meɲ sa tiawê, dec kwahic dec gic atu aö ma kêɲ yom dau sip aö amanɲ bu wahoc asê têɲ lau.

⁴ Bapia dindéc gato têɲ am Taitus, naɲ aö galic am gitôm aö atuɲ ɲandô tu hêclu neɲ dakêɲ whiɲ-ɲga. Mwasini ti yom malô têɲ am, akêɲ Damaɲ Anötö lu yac neɲ †Ngac Nem Yac Si-ɲga Yisu Kilisi.

Taitus ndê gwelen

⁵ Aö gahu am siɲ mbo nduc Krit, ɲahu bu aö tac whiɲ bu am mbo whiɲ lau sêkêɲ whiɲ-ɲga ma ndic dabiɲ gwelenɲ ɲatô. Ma êmyaliɲ lau bata sa tôm malac ndi, tôm naɲ gasôm têɲ am muɲ su. ⁶ Lic bu ɲamalac bocke naɲ am bu kêɲ ti ɲgac bata, naɲ ndê lêɲ bocdec. Iɲ ɲgac naɲ ndê giso mbasi, ma iɲ gêm awhê tigenɲ. Iɲ ndê balêkoc sêkêɲ whiɲ Yisu, sêɲgô yom, ma sêsa si lêɲ malô. Ma bocdinaɲ lau danɲ oc tôm dom bu sêɲgôliɲ yom pi ɲac. ⁷ Bu ɲgac naɲ ti gôlôwac dabuɲ si ɲagôlôɲ, naɲ yob Anötö dau ndê gêɲ, ma bocdinaɲ lic bu iɲ ɲgac naɲ kôm giso danɲ dom. Lau sêtoc dau sa-ɲga, lau atac ɲandê-ɲga, lau sêndic lau bambaliɲ-ɲga, lau sênom gêɲ êɲiɲ

ɲac-ɲga, ma ɲac naɲ atac whiɲ mone kêlêc, naɲ si daɲ oc tòm dom bu ti ɲgac bata. ⁸ ɲgac ɲayham bu am kêɲ ti ɲgac bata, naɲ ɲamalac kôc lau sa ma êmwasiɲ ɲac-ɲga, iɲ atac whiɲ mêtê ɲayham ti gêɲ ɲayham hoɲ, iɲ ɲamalac gauc ɲawa, ma iɲ sa ndê lêɲ gitêɲ ti dabuɲ ma timêtê dau ɲapep. ⁹ Iɲ sap yom ɲandô dakêɲ whiɲ-ɲga tòm aposel sêndôhôn, naɲ dôɲ. Ma bocdinaɲ dec iɲ gitôm bu whê yom sa ɲapep bu puc lau dôɲ, ma tôc lau naɲ sêseɲ yom ɲandô, naɲ si giso asê.

¹⁰ Bu lau sêseɲ yom ɲandô-ɲga daêsam dec sêmbo. ɲac lau whapaɲ ɲambwa naɲ sêndôhôn yom tasan tu sêɲsau lau-ɲga. Ma mêtê kainɲ dinaɲ, lau naɲ sêsap lau Israel-ɲga si ɲpwac sêsé ɲamlic ɲatô su-ɲga dôɲ, naɲ sêkôm hóc gêlêc su. ¹¹ Sôm têɲ lau dinaɲ bu sênem dau dôɲ. Bu yom naɲ sêndôhôn, naɲ yom so, ma kêɲsôn lau daêsam si sêkêɲ whiɲ. Ma sêndôhôn yom dau tu sêkôc awa-ɲga ɲambwa. ¹² ɲac dau si propet daɲ hoc yom asê pi ɲac ma sôm, “Lau Krit ɲac lau tasan ma lau siɲsêlêc. ɲac lau oyom dinda, ma êlêmê seɲ gêɲ ɲawahô.” ¹³ Yom dau iɲ yom ɲandô. Bocdinaɲ sôm yom sêmbalaɲ-ɲga solop têɲ lau Krit naɲ sêndôhôn yom tasan, bu sênem dau kwi ma sêkêɲ whiɲ yom ɲandô. ¹⁴ Ma sêhu l au andô Israel-ɲga si miɲ ɲambwa-ɲambwa hoɲ siɲ, ma sêsoc lau naɲ sêhu yom ɲandô siɲ, naɲ si ɲagôliɲ ɲambwa ɲapu tiyham dom.

¹⁵ Lau naɲ si ɲalôm ɲawasi, naɲ si gêɲ hoɲ oc ɲawasi bocdinaɲ. Magoc lau ti ɲalôm ɲadômbwi naɲ sêkêɲ whiɲ Yisu dom, naɲ si gêɲ

danj oc nawasi yêc Anötö anjô-nga dom. Nac si gauc ti njalôm njadômbwi sa ma tisac su. ¹⁶ Lau kainj dinanj sêsôm bu sênjalê Anötö, magoc nac si mêtê tôc asê bu sênjalê inj danj dom. Nac lau sac sambuc, ma lau danjapêc-nga. Oc tôm bu nac sêkôm gênj njayham danj dom.

2

Pol kêj yom têtj Taitus bu êndôhônj têtj lau

¹ Taitus, êmdôhônj lau êmkuc yom njandô nanj lau sêkênj whinj-nga honj sênkuc. ² Êmdôhônj laungac akwa-kwa bu sênôm gênj ênjinj nac-nga dom ma sêmbo gauc njawa enj, sêtimêtê dau njapep, ma sêsa si lêtj solop enj. Puc nac dônj bu sêsap yom njandô dakênj whinj-nga ma mêtê atac whinj lau-nga dônj, ma sêlhac njanja. ³ Ma njalênj tigenj dinanj, êmdôhônj lauwhê akwa-kwa bu sêsa si lêtj gitôm lauwhê dabunj andô, sêsôm yom bambalinj pi lau dom, sênôm wainj ênjêc dom, ma sêti kêdôhônjwaga mêtê njayham-nga. ⁴ Bocdina nj nac oc sêtôm bu sêndôhônj lauwhê wakuc bu atac whinj si laungaci ti balêkoc, ⁵ sêtimêtê dau njapep, sêsa lêtj njayham ma njawasi, sêkôm si gwelenj andu-nga njapep enj ma ti atac whinj, ma sêsôc si laungaci njapu. Nac bu sêkôm bocdina nj, dec oc tôm dom bu lau nanj sêkênj whinj dom, nanj sêsu Anötö ndê yom susu. ⁶ Ma êmgilî balêi wakuc bu sênem gôlinj si lêtj njapep. ⁷ Am daôm job nem lêtj honj bu ti dôhônj njayham bu balêi sêlic ma sênkuc. Gênj bocke nanj am bu êmdôhônj têtj nac, nanj am daôm kôm munj, goc nac sêlic ma sênkuc. Kôm

ti nandô ma ti nem njalôm sambuc eñ. ⁸ Yob nem whamsuñ bu sôm yom n̄ayham eñ t̄eñ ndoc am bu êmdôhôn n̄ac, ma bocdinañ lau dañ oc sêtôm dom bu s̄epu am nem yom. Ma bocdinañ lau nañ sêkêñ kisa am, nañ oc tôm dom bu s̄etap yom dañ sa bu s̄eñgôlin̄ pi yac lau dakêñ whin̄-n̄ga, ma tu dinañ-n̄ga n̄ac oc maya dau.

⁹ Sôm t̄eñ lau akin̄ n̄ambwa nañ sêkêñ whin̄ Yisu, bu s̄êsôc si n̄adaui si yom hon̄ n̄apu, ma s̄êsôm yom sac dañ pi n̄ac dom. S̄enem akin̄ n̄apep, tu bu si n̄adaui s̄elic n̄ac n̄ayham-n̄ga.

¹⁰ N̄ac s̄enem kañ si n̄adaui si ḡeñ dom, dec n̄adaui oc atac lu-lu dom bu sêkêñ ḡeñ sip n̄ac amba bu s̄eyob. N̄ac bu sêkôm si mêtê hon̄ n̄apep, dec lau daêsam oc tac whin̄ bu s̄eñgô yom nañ tandôhôn pi yac neñ Anötö, nañ gêm yac si.

Anötö ndê mwasin̄ nem yac si-n̄ga n̄a-n̄andô

¹¹ Bu Anötö kêkin̄ Kilisi sip nom meñ ma mbac ndu tu lau hon̄-n̄ga, ma bocdinañ in̄ ndê mwasin̄ atu nem lau si-n̄ga meñ sa tiawê. ¹² Ma mwasin̄ dau gêm yac sa tu l̄eñ dambo nom-n̄ga, ma kêdôhôn yac bu dapuc dômwên̄ mêtê sac nom-n̄ga hon̄, ma datimêtê dauñ bu dasa l̄eñ git̄eñ ti dabuñ eñ. ¹³ Dasap l̄eñ dau dôn̄, ma dahôn̄ bêc n̄ayham nañ dakêñ batan̄ dambo, nañ yac neñ Anötö tiwaê ma N̄gac Nem Yac Si-n̄ga Yisu Kilisi, oc mbu meñ ti n̄awasi atu. ¹⁴ Yisu Kilisi kêñ dau tu yac-n̄ga, bu nemlhi yac ma êñgapwêc yac su yêc sakin̄ mêtê sac-n̄ga, ma bu kôm yac dati in̄ dau ndê lau wakuc. Ma in̄ atac whin̄ bu

yac dambo ti lêtŋ ŋawasi ma dakêŋ neŋ ŋalôm sambuc tu dakôm mêtê ŋayham-ŋga.

¹⁵ Taitus, êmdôhônŋ yom hoŋ dindec têtŋ lau sêkêŋ whiŋ-ŋga. Êmgilí ŋac ti ŋaŋga bu sêsôc yom dau ŋapu, ma lau naŋ sêkôm giso, naŋ êmatôc ŋac ti ŋaclai bocdinaŋ. Ma yob daôm ŋapep bu lau daŋ sêpu am dom.

3

Lau sêkêŋ whiŋ-ŋga si lêtŋ wakuc

¹ Whê sa tiyham têtŋ lau sêkêŋ whiŋ-ŋga, bu mêtê ŋayham bocdec gic ŋac ŋawaê. Sêsôc gôlinwaga ti lau bata ŋapu, ma daŋga wambu yom ŋapep. Ma ŋac sêhê gauc pi mêtê ŋayham e sêkôm ŋapaŋ. ² Ŋac sêsôm yom sac-sac pi lau dom, sêseŋ dau dom, ma sêkôm mêtê malô têtŋ lau hoŋ. Ma sêmbo ti sêŋgwiniŋ dau ma sêtoc lau hoŋ sa ŋapep. ³ Bu kwahic dec yac dasa neŋ lêtŋ tiwakuc. Magoc muŋ-ŋga, yac dakêŋ whiŋ su dom, ma dasa lêtŋ gauc mbasi-ŋga. Yac lau daŋaŋpêc-ŋga, ma mêtê ŋalôm ŋagalac-ŋga ti mêtê nom-ŋga kôm yac neŋ gauc kêtŋsônŋ e tam akiŋ mêtê sac dau tac ŋawaê. Dambo ti dalic lau ŋatô sac ma tam lêmuŋ ŋac, ma mêtê atac tec asidôwai-ŋga gêm yac hoŋ ahuc. ⁴ Tigeŋ tiŋambu yac neŋ Anötö Nem Yac Si-ŋga ndê lêtŋ tawalô ti atac whiŋ yac-ŋga meŋ tiawê. ⁵ Inŋ gêm yac si, tu yac neŋ lêtŋ ŋayham daŋ-ŋga dom, magoc tu inŋ dau ndê mêtê tawalô yac-ŋga. Inŋ gêm yac si ŋalêtŋ bocdec. Inŋ kêtŋwasiŋ yac neŋ mêtê sac hoŋ su dec yac dati lau wakuc, ma Ŋalau Dabuŋ wê yac dasa neŋ lêtŋ tiwakuc.

⁶ Yomandô. Tu Yisu Kilisi yac neŋ Nğac Nem Yac Si-ŋga, dec Anötö kêmwasin yac kêlêc ma kêŋ Njalau Dabuŋ dau sip yac neŋ ŋalôm. ⁷ In kôm boc-dinaŋ dec sam yac bu lau gitêŋ, kêkuc in ndê lêŋ êmwasin yac-ŋga. Ma kwahic dec yac dawêkain gamen dandöc taŋli ŋapaŋ-ŋga, naŋ dakêŋ batan dambo. ⁸ Yom hoŋ dinaŋ in yom ŋandô ma ŋayham tu dakêŋ whin-ŋga.

Aö tac whin bu am puc aneŋ yom hoŋ dön têtŋ gôlôwac dabuŋ, bu lau hoŋ naŋ sêkêŋ whin Anötö, naŋ sêyob dau ŋapep bu sêkôm mêtê ŋayham ŋapaŋ. Lêŋ dinaŋ in lêŋ ŋayham ma oc êmwasin lau hoŋ.

⁹ Am ndic ahê lau naŋ êlê mê sêseŋ dau tu yom gauc mbasi-ŋga, ma tu yom pi abanŋi si ŋaê-ŋga. Ma ndic ahê lau naŋ sêwhê dau kôc ma sêseŋ dau pi lau Israel-ŋga si yomsu. Nahu bu ŋac si yom hoŋ dinaŋ ŋandô mba, ma oc nem lau sa dom. ¹⁰ Asa naŋ bu kôm mêtê whê lau kôc-ŋga, naŋ sôm in. In bu kôm tiyham, goc sôm in tidim lu-ŋga. Ma in bu sôc ŋapu dom, dec am ti lau sêkêŋ whin-ŋga hoŋ apuc dômwêm in. ¹¹ Am kêyalê su, bu ŋamalac kain dinaŋ ndê lêŋ kêŋsôn, ma in kôm sac. In kic dau ndê yom tu tap Anötö ndê matôc sa-ŋga, nahu bu in sap lêŋ naŋ in kêyalê bu lêŋ so, naŋ dön.

Yom ŋambu-ŋga

¹² Malô waŋkin Atemas me Tikikus têtŋ am loc, ma têtŋ ndoc inlu si daŋ hóc asê am, naŋ êmsalê seŋ bu têtŋ malac Nikopolis mweŋ ŋagahô ma lic aö. Nahu bu aö gauc gêm bu wambo malac dindê têtŋ ndoc uhô-ŋga. ¹³ Têtŋ ndoc Senas, ŋgac

êmatôc yom-nga, lu Apolos bu sêhu nduc Krit sinj, nañ goc kôm gêñ hoñ bu êmasañ injlu si señ gwanañ. Ma bocdinañ injlu oc sêpônđa gêñ dañ dom. ¹⁴ Êmdôhônj yac neñ lau sêkêñ whiñ-nga bu sêkôm gweleñ ñayham tu bu sêkôm kwa dau ma sênem lau nañ sêpônđa dau, nañ sa-nga. Ma bocdinañ ñac si sêkêñ whiñ oc nem ñandô. ¹⁵ Lau hoñ nañ sêmbo sêwhiñ aõ, nañ sêkêñ si acsalô têñ am. Ma aõ wandac am bu kêñ aneñ acsalô têñ lau sêkêñ whiñ-nga hoñ nañ atac whiñ yac. Pômdau ndê mwasinj whiñ mac hoñ.

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 29 Sep 2022 from source
files dated 17 May 2022

1dcc5a6c-3c1e-54e8-aa77-af18a3782048